

«КЕЛІСІЛДІ»

Қазақстан Республикасы Мәдениет
және спорт министрлігі Спорт және
дене шынықтыру істері комитетінің
теріағасы


С. Ергалиев

2022 жылдың «»



«БЕКІТІЛДІ»

«Қазақстанның хоккей федерациясы»
республикалық қоғамдық
бірлестігінің
бас директоры


Г. Каратаев

2022 жылдың «»



2022–2023 ЖЫЛҒЫ МАУСЫМДАҒЫ ЖАСӨСПІРІМ КОМАНДАЛАР АРАСЫНДАҒЫ ШАЙБАЛЫ ХОККЕЙДЕН
«ФЕДЕРАЦИЯ КУБОГІ» РЕСПУБЛИКАЛЫҚ ТУРНИРИНІҢ РЕГЛАМЕНТІ

Нұр-Сұлтан қаласы
2022 жыл

МАЗМҰНЫ

	Кіріспе ережелер	3
1-тарау	Мақсаттар мен міндеттер	3
2-тарау	Басшылық	4
3-тарау	Қатысушылар құрамы	4-5
4-тарау	Өткізу құрылымы, мерзімі мен шарттары	5-7
5-тарау	Командалар өтінімі	7-10
6-тарау	Қатысушы командалардың міндеттері	10-11
7-тарау	Турнир матчтарын қабылдайтын ұйымдардың міндеттері	11-12
8-тарау	Төрешілік	13-14
9-тарау	Наразылық білдіру тәртібі	14
10-тарау	Ережебұзушылық үшін жауапкершілік	14-15
11-тарау	Жеңімпаздарды анықтау	15-16
12-тарау	Турнирді қорытындылау және жеңімпаздарды марапаттау	16-17
13-тарау	Қаржылық шығыстар	17-18
№1 қосымша	Қолданылатын жазаны анықтау тәртібі	19-21
№2 қосымша	Командаларды бөлу	22
№3 қосымша	Спорт ғимаратының дайындық актісі	23

КІРІСПЕ ЕРЕЖЕЛЕР

1. «Қазақстанның хоккей федерациясы» республикалық қоғамдық бірлестігі – Халықаралық мұздағы хоккей федерациясы, Қазақстан Республикасының Ұлттық Олимпиада комитеті мойындаған, Қазақстан Республикасы Мәдениет және спорт министрлігінің Спорт және дене шынықтыру істері комитеті Қазақстан Республикасының аумағында хоккейді толық көлемде басқаруды, ресми республикалық және халықаралық жарыстарды өткізуді жүзеге асыратын жалғыз ұйым ретінде аккредиттеген ұйым.

2. Осы Регламент Халықаралық мұздағы хоккей федерациясының (бұдан әрі – ИИХФ) нормалары мен талаптарына сай және Қазақстан Республикасының дене шынықтыру және спорт саласындағы заңнамасына сәйкес Қазақстанның хоккей федерациясы (бұдан әрі – ҚХФ), Қазақстан Республикасы Мәдениет және спорт министрлігінің Спорт және дене шынықтыру істері комитеті өткізетін 2022-2023 жылғы маусымдағы жасөспірім командалары арасындағы шайбалы хоккейден «Федерация кубогі» республикалық турнирінің (бұдан әрі – Турнир) өткізілуінің және оған хоккей мектептері/клубтары/бөлімшелері командаларының, хоккейшілердің, жаттықтырушылардың, басшылардың және өзге де лауазымды тұлғалардың, төрешілердің қатысуының бірыңғай тәртібін белгілейді.

3. Осы регламентке өзгерістер мен толықтырулар Қазақстан Республикасы Мәдениет және спорт министрлігінің Спорт және дене шынықтыру істері комитетімен келісу бойынша ҚХФ тарапынан маусым ішінде енгізілуі мүмкін.

1-ТАРАУ

МАҚСАТТАР МЕН МІНДЕТТЕР

1-бап. Турнир:

- балаларды хоккеймен, дене шынықтырумен және спортпен жүйелі шұғылдануға жаппай тарту;
- Қазақстан Республикасында балалар-жасөспірімдер хоккейін насихаттау және одан әрі дамыту мақсатында өткізіледі.

2-бап. Турнир:

- спорт резервін даярлау және «Мықтылар» тобының жасөспірімдер командалары арасындағы Қазақстан Республикасының чемпионатына қатысу үшін ел өңірлерінің перспективалы спортшылары мен командаларын анықтау;
- болашағы зор хоккейшілерді анықтау және Қазақстан Республикасының жасөспірімдер құрама командаларына толыққанды резерв дайындау;
- балалар-жасөспірімдер хоккей мектептерінің/клубтарының/бөлімшелерінің спорт резервін даярлау жөніндегі жұмысының сапасы мен тиімділігін арттыру;
- Қазақстан Республикасында балалар мен жасөспірімдер шайбалы хоккейін басқарудың біртұтас жүйесін құру;
- жаттықтырушылар кадрларын даярлау деңгейін арттыру мәселелерін шешеді.

2-ТАРАУ

БАСШЫЛЫҚ

1-бап. Турнирді ұйымдастыру мен өткізуге жалпы басшылықты, сондай-ақ оның өткізілуін бақылауды ҚХФ, облыстық/қалалық Дене шынықтыру және спорт басқармасы, Қазақстан Республикасы Мәдениет және спорт министрлігінің Спорт және дене шынықтыру істері комитеті жүзеге асырады.

2-бап. Турнирді тікелей өткізу және бақылау облыстық/қалалық Дене шынықтыру және спорт басқармаларына, хоккей мектептеріне/клубтарына, ҚХФ бекіткен облыстық/қалалық аккредиттелген филиалдарына және төрешілер алқасына жүктеледі.

3-бап. Осы Регламенттің шарттары мен ережелері негізінде шешілуі мүмкін емес Турнирді ұйымдастырумен және өткізумен байланысты жағдайлар туындаған кезде, ҚХФ олар бойынша түпкілікті шешім қабылдауға, әрі қарай Турнир қатысушыларын хабардар етуге құқылы. Мұндай шешімдер Турнирге қатысатын барлық командалар, хоккейшілер, жаттықтырушылар, басшылар және хоккей мектептерінің/клубтарының/бөлімшелерінің басқа да лауазымды тұлғалары, төрешілер үшін міндетті болып табылады.

4-бап. Командалардың, хоккейшілердің, жаттықтырушылардың, басшылардың және хоккей мектептерінің/клубтарының/бөлімшелерінің өзге де лауазымды адамдарының, Турнирге және өзге де іс-шараларға тартылған бас төрешілердің ҚХФ-мен жедел өзара іс-қимылы келесі құралдармен жүзеге асырылады:

- телефон арқылы: +7-7172-605041;
- электрондық пошта арқылы: office@icehockey.kz;
- келесі мекенжай бойынша: Қазақстан Республикасы, 010000, Нұр-Сұлтан қаласы, Д. Қонаев к., 12/1, 508-кеңсежай, «Қазақстанның хоккей федерациясы» РҚБ.

3-ТАРАУ

ҚАТЫСУШЫЛАР ҚҰРАМЫ

1-бап. Турнирге қатысуға хоккей мектептерінің/клубтарының/бөлімшелерінің, спорт резервін және жоғары дәрежелі спортшыларды даярлауды жүзеге асыратын кез келген ұйымдық-құқықтық нысандағы дене шынықтыру-спорт ұйымдарының оқушылары мынадай санаттар бойынша жіберіледі:

1. U 15 жас (2007 ж.т.)
2. U 14 жас (2008 ж.т.)
3. U 13 жас (2009 ж.т.)
4. U 12 жас (2010 ж.т.)
5. U 11 жас (2011 ж.т.)

2-бап. Турнирге қатысу Қазақстан Республикасының бюджеттен қаржыландырылатын барлық хоккей мектептері/клубтары/бөлімшелері үшін міндетті.

3-бап. Турнирдің барлық жас санаттары мен топтарындағы командалардың саны өткен маусымның қорытындысы және берілген өтінімдер бойынша анықталады.

4-бап. Команданың өтінім тізіміндегі хоккейшілердің жалпы саны 30 (отыз) ойыншыдан аспауы тиіс.

5-бап. Турнирге Қазақстан Республикасының аумағында тұрақты тұратын жас хоккейшілер ғана қатыса алады.

ҚХФ шешімі бойынша команда құрамына Регламенттің 5-тарауының 13-бабында көрсетілген құжаттарды ұсынған кезде шетелдік азаматтығы бар хоккейшілер енгізілуі мүмкін.

6-бап. ҚХФ басқа елдің атынан өкілдік ететін командаға Турнирге ресми түрде қатысуға рұқсат беруге құқылы.

7-бап. Командаларды Турнирге қатысуға жіберу үшін шетелдік хоккей командасы ҚХФ-ға мынадай құжаттарды жолдайды:

- команданың қатысуы бойынша шығындарды қаржылық қамтамасыз ету туралы кепілдік хат;
- өзінің ұлттық Федерациясының жазбаша рұқсаты.

8-бап. ҚХФ шешімі бойынша команда құрамына Регламенттің 5-тарауының 11-бабында көрсетілген құжаттарды ұсынған кезде 1 (бір) жасқа кіші хоккейшілер енгізілуі мүмкін.

9-бап. ҚХФ шешімі бойынша команда құрамына Регламенттің 5-тарауының 12-бабында көрсетілген құжаттарды ұсынған кезде бір-екі жасқа үлкен қыздар немесе қыздармен толық жасақталған командалар енгізілуі мүмкін.

10-бап. Ойыншыларға Турнирдің бір туры шеңберінде бір жас санатындағы әртүрлі командалар үшін ойындарға қатысуға тыйым салынады. Бұл ретте, 1 (бір) жылға кіші ойыншыларға өз санаттарында да, жоғары санаттарында да (1 жылға), бірақ аттас хоккей командасы/клубы/спорт мектебі үшін ғана қатысуға рұқсат етіледі.

4-ТАРАУ

ӨТКІЗУ ҚҰРЫЛЫМЫ, МЕРЗІМІ МЕН ШАРТТАРЫ

1-бап. Турнир айналымдық жүйемен өткізіліп, төрт турдан тұрады.

2-бап. Турнирдің жас санаттары мен топтар арасындағы өткізілу кезеңі: 2022 жылдың 01 қазанынан 2023 жылдың 31 мамырына дейін.

3-бап. Турнирдің барлық матчтарының өткізілу мерзімі ҚХФ бекітетін Ойындар күнтізбесіне сәйкес анықталады.

Турнир өткізу мерзімі мен орны ҚХФ және хоккей мектептері/клубтары/бөлімшелері тарапынан келісілгеннен кейін Қазақстан Республикасының қалаларында өткізіледі және қатысушыларға қосымша хабарланады.

4-бап. Жас санаттары мен топтар арасындағы Турнир турларын өткізу мерзімі мен орны өткен маусымдағы команданың алған орнының қорытындысы бойынша анықталады.

5-бап. Турнирдің финалдық IV туры жас санаттары мен топтары арасында Турнирдің 3 турының қорытындысы бойынша 1-орын алған командалардың қалаларында өткізіледі.

6-бап. Егер Турнир турын қабылдаушы команда негізді себептер бойынша үйдегі турды өткізе алмаса, онда тур алдыңғы Турнирде орын алған келесі командаға өтеді.

Турнирдің барлық турлары өтетін орындарды анықтау бойынша түбегейлі шешімдерді ҚХФ қабылдайды.

7-бап. Турнирге қатысушы командалар жарыс басталғанға дейін бір күн бұрын Турнир турлары өтетін орынға келуге міндетті.

8-бап. Турнирдің барлық матчтары ИИХФ-ның хоккей ойнау қағидалары бойынша және осы Регламенттің нормаларына сәйкес өткізіледі. Барлық хоккейшілер, жаттықтырушылар, хоккей мектептерінің/клубтарының/бөлімшелерінің басшылары мен өзге де лауазымды адамдары, төрешілер және Турнир матчтарына қатысатын өзге де адамдар ИИХФ-ның хоккей ойнау қағидаларын және осы Регламенттің нормаларын білуге және орындауға міндетті.

9-бап. Әр жас санатындағы және топтағы командалар қорытынды турнирлік кестеде барлық турлардың қорытындысы бойынша жинаған ұпайларының қосындысы бойынша орын алады.

10-бап. 12 жасқа дейінгі (2010 және 2011 ж.т.) жасөспірімдер командалары арасындағы Турнир ойындары күштік тәсілдерді қолданусыз өтеді.

11-бап. 12 жасқа дейінгі жасөспірімдер командалары (2010 және 2011 ж.т.) Турнирде екі түрлі командамен күніне екі ойын өткізеді.

12-бап. Әр матчқа қатысатын команда құрамы:

- 22 ойыншыдан (20 алаң ойыншысы және 2 қақпашы) аспайды, 2 бапкер, дәрігер;
- кемінде 17 ойыншы (15 алаң ойыншысы және 2 қақпашы), 1 бапкер, дәрігер.

13-бап. Матчтың ету форматы:

1. U 15, U 14, U 13 жас санаты (2007, 2008 және 2009 ж.т.):

Матч 20 минуттық жалпы уақыттың үш кезеңінен және мұз құюға кететін 15 минуттық екі үзілістен тұрады. Аластату – 2 минут, овертайм – 5 минут (4x4 формат), матчтан кейінгі 5 буллит;

2. U 12 – U 11 жас санаты (2010 және 2011 ж.т.):

Матч 15 минуттық жалпы уақыттың үш кезеңінен және кезеңдер арасында мұз құюсыз 5 минуттық екі үзілістен тұрады. Аластату – 1 минут, овертайм – 3 минут (5x5 формат), матчтан кейінгі 3 буллит.

14-бап. Овертайм өткізу рәсімі:

1. Егер Турнир матчтарында үш кезеңнен кейін тең ойын нәтижесі тіркелсе, онда қосымша кезең (овертайм) тағайындалады.

2. Овертайм екі минуттық үзілістен кейін (мұз беткейін жинамастан және құймастан және қақпаны ауыстырмай) өткізіледі, осы уақыт ішінде хоккейшілер мұз үстінде қалады. Овертаймда

командалар матчтың негізгі уақытының үшінші кезеңіндегі қақпаның орналасуына сәйкес қақпаны иеленеді.

3. Овертаймда ойын бірінші салынған шайбаға дейін өткізіледі. Шайбаны лақтырған команда матчтың жеңімпазы болады және матч аяқталады.

4. Хоккей алаңындағы әрбір команда үшін овертаймдағы ойыншылардың саны жас санаты мен топқа сәйкес айқындалады.

5. Овертаймда айыппұлдар негізгі уақыттағыдай хоккей ойынының ережелеріне сәйкес салынады. Овертаймда хоккейшілердің матчтың негізгі уақытында алған пайдаланылмаған айыппұл уақыты күшінде қалады.

6. Егер Турнирдің овертаймы аяқталғаннан кейін матчтың есебі өзгермесе, онда матч жеңімпазын анықтау үшін матчтан кейінгі лақтырулар тағайындалады.

15-бап. Матчтан кейінгі лақтыру рәсімі.

1. Екі команданың хоккейшілері матчтан кейінгі лақтыруларды кезекпен орындайды.

2. Матчтан кейінгі лақтырулардың бірінші сериясы әр команданың жас санаты мен тобына сәйкес лақтырудан тұрады.

3. Егер матчтан кейінгі үш лақтырудың бірінші сериясынан кейін әр команданың тең нәтижесі сақталса, матч лақтырудан кейін екінші серия тағайындалады.

4. Шартты түрде, матчтан кейінгі лақтырулардың екінші сериясы соққылар жұбының біріншде бір команданың хоккейшісі гол соққанға, ал екінші команданың хоккейшісі гол соқпағанға дейін орындалады. Бұл жағдайда хоккейшісі гол соққан команда матчтың жеңімпазы болады, матч аяқталады, ал қалған лақтырулар орындалмайды.

5-ТАРАУ. КОМАНДАЛАРДЫҢ ӨТІНІМІ

1-бап. Команданың өтінім/қосымша өтінім беруі ҚХФ тарапынан ҚХФ тізілімінде белгіленген нысан бойынша басып шығарылған түрде берілген үш данадағы өтінім парақтары негізінде командалар үшін белгіленген кестеге сәйкес жүзеге асырылады.

2-бап. Әрбір ойыншы әрбір турдың басындағы өтінім парағында мәлімделген амплуасында (қақпашы, қорғаушы, шабуылшы) қатыса алады. Турнирдің бір туры аясындағы әрбір матчқа өтінім парағын толтырғанда ойыншы амплуасы Турнир басталар алдында жалпы өтінім парағында көрсетілген амплуаға сәйкес келуі тиіс.

3-бап. Турнирдің келесі турларында ойыншы амплуасын өзгерту қажет болған жағдайда өтінім парағында көрсетілген ойыншының амплуасын кері қайтару/қосымша өтінім беру қажет. Алайда Турнир барысында 1 (бір) реттен артық жүргізілмейді.

Амплуа бойынша ойыншылардың өтінімін кері қайтаруға/қосымша өтінім беруге Турнирдің II және III турларының алдында рұқсат етіледі.

4-бап. Ойыншы амплуасы өзгерген кезде алдыңғы амплуа бойынша статистикалық деректер нөлге айналады және Турнирдің аяқталу қорытындысы бойынша статистиканы қалыптастыру кезінде пайдаланылмайды.

5-бап. Барлық жас санаттар мен топтар хоккейшілеріне қосымша өтінім беруге Турнир туры басталғанға дейін кемінде 7 (жеті) күн бұрын рұқсат етіледі.

6-бап. «А», «В» топтарында ҚХФ белгілеген мерзімдерде ойыншыларға қосымша өтінім беруге I, II және III турлар алдында рұқсат етіледі, финалдық турлар алдында ойыншыларға қосымша өтінім беруге тыйым салынған.

7-бап. ҚХФ өтінім/қосымша өтінім беру кезінде Турнирге қатысу үшін қажетті барлық өтінім құжаттарының түпнұсқаларының электрондық нұсқасын тексереді. Турнирге қатысатын команданың өтінім құжаттарының электрондық түпнұсқалары болмаған жағдайда, ҚХФ мұндай команданы Турнирге қатысуға жібермеу құқылы.

8-бап. ҚХФ бірыңғай ақпараттық жүйесіне (БАЗ) команданың Турнирге қатысуға арналған өтінім парағына қоса Турнирге қатысу үшін қажетті барлық құжаттардың сканерленген түпнұсқалары жүктеледі.

9-бап. Өтінім парағына келесі хоккейшілер енгізіле алады:

- ҚХФ БАЗ-ына қажетті деректері енгізілген (деректері ҚХФ БАЗ-ына өтінім/қосымша өтінім беру күніне дейін 7 (жеті) күн бұрын енгізілмеген хоккейші өтінімге енбейді);

- ойыншының спорт мектебі/клубы/бөлімшесі контингентіне есепке алынғанын растайтын бұйрықтың сканерленген түпнұсқасы.

10-бап. Команданың өтінім/қосымша өтінім парақтары келесі қамтуы тиіс:

- алфавиттік тәртіптегі хоккейшілер аты-жөндерінің тізімі;

- команданың бапкерлері мен әкімшілік персоналы туралы деректер.

Команданың өтінім/қосымша өтінім парақтары:

- әр хоккейші үшін жеке-жеке медициналық мекеме дәрігерінің қолы мен мөрімен (медициналық қызметті жүргізуге мемлекеттік лицензиясы бар);

- медициналық мекемемен (медициналық қызметті жүргізуге мемлекеттік лицензиясы бар);

- хоккей мектебінің/клубының басшысымен;

- облыстық/қалалық дене шынықтыру және спорт басқармасының басшысымен;

- ҚХФ облыстық/қалалық филиалының басшысымен расталуы тиіс.

11-бап. Команда құрамына ҚХФ шешімі бойынша 1 (бір) жасқа кіші хоккейшілер келесі құжаттар негізінде кіре алады:

- хоккей мектебі/клубы/бөлімшесі басшысының бұрыштамасы қойылған команда бапкерінің жазбаша өтініші;

- ата-аналардың немесе басқа заңды өкілдердің нотариус растаған келісімдері;

- жасы жоғарылар жарыстарына рұқсат беретін медициналық мекеме дәрігерінің қорытындысы.

12-бап. Команда құрамына ҚХФ шешімі бойынша өз жасындағы, сондай-ақ бір-екі жасқа үлкен қыздар немесе толықтай қыздармен жасақталған командалар келесі құжаттарды ұсынған жағдайда

кіруі мүмкін:

- хоккей мектебі/клубы/бөлімшесі басшысының бұрыштамасы қойылған команда бапкерінің жазбаша өтініші;

- ата-аналардың немесе басқа заңды өкілдердің нотариус растаған келісімдері.

13-бап. ҚХФ шешімі бойынша команда құрамына шетелдік азаматтығы бар және Қазақстан Республикасының аумағында тұратын хоккейшілер мынадай құжаттарды ұсынған кезде енгізілуі мүмкін:

- тиісті түрде ресімделген ИИХФ халықаралық трансферттік картасы;

- Қазақстан Республикасының аумағында болуын (тұруын, оқуын) растайтын құжат.

14-бап. Командаға қатысты ҚХФ БАЖ-ға келесі сканерленген құжаттардың түпнұсқалары жүктелуі тиіс:

- хоккей мектебінің/клубының уәкілетті басшысының қолымен және мөрімен куәландырылған, команданың Турнирге қатысуына байланысты шығыстарын қаржыландыру мүмкіндігін және Регламент талаптарының орындалуын растайтын кепілдік хат;

- төлем тапсырмасы немесе ҚХФ есеп шотына өтінім жарнасын аудару туралы түбіртек;

- шайбалы хоккейден 2022-2023 жылдар маусымының Қазақстан Республикасы Чемпионатының маркетингі бойынша бекітілген регламентінің 15-бабының 4-қосымшасының талаптарына сәйкес топтық (командалық) фотосурет;

- хоккей мектебінің/клубының/бөлімшелерінің басшысын, жаттықтырушыларын, сондай-ақ хоккейшінің заңды өкілін хоккей ИИХФ ойын ережелерімен және Регламентпен таныстыру хаттамасы;

- контраст түстердегі команданың негізгі және қосалқы хоккей киімінің эскиздері және векторлық форматтағы электрондық нысандағы команданың түрлі-түсті логотипі;

- Регламенттің №3 қосымшасына сәйкес Турнир турын қабылдаушы спорт ғимаратының дайындық актісі;

- хоккей мектебі/клубы мен спорттық ғимарат арасында жасалған шарт.

15-бап. Әрбір хоккейшіге қатысты ҚХФ БАЖ-ына келесі сканерленген құжаттардың түпнұсқалары жүктелуі тиіс:

- иесінің жеке басы туралы мәліметтері бар паспорт;

- хоккейшінің өмірі мен денсаулығын жазатайым оқиғалардан сақтандыру туралы шарт;

- 2022-2023 жылдардағы шайбалы хоккейден Қазақстан Республикасы Чемпионатының маркетинг бойынша бекітілген регламентінің 15-бабының 4-қосымшасының талаптарына сәйкес хоккейшінің жеке суреттері;

- жарыстар үшін белгіленген жас санатынан бір жылға жасырақ хоккейшіге өтінім беруге қажет құжаттар;

- жарыс үшін белгіленген жас санатындағы қыздардың өтінімі үшін қажетті құжаттар.

- шетелдік азаматтығы бар хоккейшілердің өтінімі үшін қажетті құжаттар.

16-бап. Команда жаттықтырушысына қатысты ҚХФ БАЖ-ына келесі сканерленген құжаттардың түпнұсқалары жүктелуі тиіс:

- кәсіби білімінің бар екенін растайтын құжаты (диплом/курстан өткені туралы сертификат және маманның біліктілігін растау);

- иесінің жеке басы туралы мәліметтері бар жеке куәлік/паспорт.

17-бап. Хоккей мектептері/клубтары/бөлімшелері ҚХФ БАЖ-дың толтырылуын, оған міндетті деректердің, құжаттардың енгізілуін және олардың ұдайы жаңарып отыруын қамтамасыз етеді. Осы баптың талаптары орындалмаған жағдайда хоккей мектебі/клубы осы баптың талаптарына қатаң сәйкестікте ҚХФ БАЖ-ға қажетті деректер толық көлемде енгізілгенше өтінімге енбейді және Турнир матчтарына жіберілмейді.

18-бап. Құжаттар Регламентте белгіленген талаптарға сәйкес келмеген жағдайда не қажетті құжаттар ұсынылмаған жағдайда, ҚХФ хоккей мектебіне/клубқа/бөлімшеге хоккейшілерге рұқсат беруден бас тартуға немесе хоккей мектебі/клубы/бөлімшесі түзетілген немесе жетіспейтін құжаттарды ұсынуы тиіс күнтізбелік 5 (бес) күннен аспайтын мерзімді белгілеуге құқылы.

19-бап. Өтініш құжаттамасын қолдан жасау фактілері расталған жағдайда, ҚХФ барлық материалдарды Қазақстан Республикасының құқық қорғау органдарына жіберуге құқылы.

6-ТАРАУ

ҚАТЫСУШЫ КОМАНДАЛАРДЫҢ МІНДЕТТЕРІ

1-бап. Турнирге қатысушы хоккей мектебі/клубы/бөлімшесі:

- жарыстар басталардан кемінде 30 (отыз) күнтізбелік күн бұрын ҚХФ-ға Турнирге қатысатынын растауға;

- команда Турнир матчына келгенге дейін күнтізбелік 10 (он) күннен кешіктірмей Турнир матчтарын өткізетін хоккей мектебінің/клубының/бөлімшесінің басшылығын команданың келу күні мен уақыты, көлік түрі, ойыншылар мен персоналдың саны, тұрғылықты жері туралы жазбаша хабардар етуге;

- маусым бойы Турнирге қатысатын командалардың атауын өзгертпеуге;

- өз командаларының Турнирдің барлық матчтарына келуін, олардың матч басталардан 60 минут бұрын қатысуын және команданың хоккей алаңына уақытылы шығуын қамтамасыз етуге;

- кез келген матчты өткізу кезінде команда құрамында өнер көрсетуге құқығы жоқ хоккейшілердің – мәлімделмеген, белгіленген тәртіппен ресімделмеген немесе біліктілігінен айырылған, сондай-ақ Турнир матчына қатысуға құқығы жоқ жаттықтырушылардың немесе лауазымды адамдардың матчқа қатысуына жол бермеуге;

- команда ойыншыларын қорғаныс формасымен қамтамасыз етуге, шлемдерінде стандартты масканың болуын, сонымен қатар «ИИХФ-ның қағидалар кітабына» сәйкес мойын мен тамақтың қорғалуын қамтамасыз етуге;

- «ИИХФ-ның қағидалар кітабына» сәйкес команда ойыншыларының шлемдеріне бекітілген құлақ қорғанысымен қамтамасыз етуге міндетті.

Аталған қорғаныс болмаған жағдайда ойыншы/ойыншылар ойынға қатыстырылмайды.

2-бап. Турнирдің I турының ербір матчы басталмас бұрын командалар капитандарының қол алысуымен, сондай-ақ команданың/клубтың/мектептің эмблемасы немесе логотипі бейнеленген вымпельдерді тапсырумен командаларды қарсы алуды өткізу.

3-бап. Командаларда латын тілінде ойыншылардың нөмірлері мен тегі бар екі хоккей жейдесі болуы керек.

4-бап. 12 жасқа дейінгі (2010 және 2011 ж.т.) жас санаты үшін ойыншы жейдесінің арқасында ойыншының тегінен жоғары «STOP» (өріптер: биіктігі 4см, ақ түсті) деген жазуы бар қызыл түсті жапсырма (өлшемі: 5см x 15см) болуы тиіс.

5-бап. Хоккей мектептерінің/клубтарының/бөлімшелерінің және спорт ғимараттарының басшылығы:

- ата-аналардың матчтың барлық уақытында хоккейшілермен, төрешілермен, матчтардың ресми адамдарымен байланысын болдырмайтын шаралар қабылдауға;

- жарыс аяқталғанға дейін, кезінде және одан кейін ата-аналардың, хоккей мектебінің/клубының/бөлімшесінің лауазымды тұлғалары мен мамандарының (басшылардың, хоккейшілердің, жаттықтырушылардың, қызмет көрсетуші персоналдың) матчты өткізетін төрешілер бригадасының іс-қимылына араласуына жол бермеуге;

- төрешілерге қатысты қорлауға, физикалық күш қолдануға және өзге де құқыққа қарсы әрекеттерге жол бермеуге;

- матчтың бас төрешісінің рұқсатынсыз бөгде адамдардың төрешілер бөлмесіне кіруіне жол бермеуге;

- хоккей мектебінің/клубының/бөлімшесінің ата-аналары, лауазымды адамдары мен мамандары (басшылар, хоккейшілер, жаттықтырушылар, қызмет көрсетуші персонал) тарапынан хоккей алаңындағы жанжалды жағдайларды, жанкүйерлердің агрессиялық мінез-құлқын, спорт ғимаратындағы тәртіпсіздіктерді туындататын іс-әрекеттерге жол бермеуге міндетті.

6-бап. Жаттықтырушыларға көмек көрсету мақсатында ойындарға шығатын хоккейшілердің ата-аналары, ата-аналар комитетінің өкілдері ойын кезінде қосалқы орындықта және мұз алаңында болуға құқығы жоқ.

7-бап. Қазақстанда барлық балалар-жасөспірімдер республикалық және халықаралық турнирлерін өткізуді және Қазақстан Республикасы командаларының басқа елдердегі жарыстарға қатысуын ҚХФ-мен келісу қажет.

7-ТАРАУ

ТУРНИР МАТЧТАРЫН ҚАБЫЛДАЙТЫН ҰЙЫМДАРДЫҢ МІНДЕТТЕРІ

1-бап. Турнир матчтарын қабылдайтын хоккей мектебі/клубы/бөлімшесі матчтарды өткізу орындарын дайындау үшін жауап береді және:

- Регламенттің барлық шарттарын орындауға;

- тур басталғанға дейін 7 (жеті) күнтізбелік күн бұрын ҚХФ-қа Турнир матчтарының күнтізбесін ұсынуға;

- ИИХФ-ның хоккей ойнау ережелеріне сәйкес айқын көрінетін ресми таңбасы бар сапалы мұзайдының, мұз жинайтын комбайндардың үздіксіз жұмысын, ақпараттық таблоның үздіксіз жұмысын, бейне-гол жүйесінің жұмысын қоса алғанда, осы Регламенттің талаптарына сәйкес спорт ғимаратының тиісті дайындығы мен жұмысын қамтамасыз етуге;

- матчтарды онлайн бейнетрансляциялауды қамтамасыз етуге;
- барлық келген командаларға орналасу орны және тұру құны туралы хабарлауға;
- командалардың тұру орнына және кері бағытта, тұратын жерінен жарыс өтетін орынға дейін және кері бағытта келуін көлікпен қамтамасыз етуге ықпал етуге (ұсыным беру);
- әр команданың хоккейшілеріне арналған желдету жүйесімен, жеткілікті мөлшерде жайлы жиһаздармен (орындықтармен, үстелдермен, ілгіштермен, айналармен және т. б.), дәретхана бөлмесімен және Турнирдің барлық уақытында, соның ішінде командалардың келу және кету күнін қоса алғанда, суық және ыстық сумен жабдықталған шешінетін бөлмелермен қамтамасыз етуге;
- осы Регламенттің 8-тарауына сәйкес алаңнан тыс төрешілер бригадасымен қамтамасыз етуге;
- ҚХФ-ға Турнирдің әр турының матчтарына қызмет көрсететін алаңнан тыс төрешілер бригадасының тізімін жіберуге;
- төрешілерге желдеткіш жүйесімен, жеткілікті мөлшерде жайлы жиһазбен (орындықтармен, үстелдермен, ілгіштермен, айналармен және т. б.), дәретхана бөлмесімен және суық және ыстық суы бар душымен, қабырға сағаттарымен және хоккей алаңының макетімен жабдықталған, ойын өткізуге қажетті секундомерлер, хаттамалар, ауыз су (алаңдағы төрешілер мен борттан тыс төрешілер бригадасы үшін бір ойынға 5 литр) және шай жиынтығы (шай, кофе, қант, снектер) болуға тиіс бөлме ұсынуға;
- жарыс басталғанға дейін ресімделген 3-қосымшаға сәйкес Турнир турының матчтарын өткізуге арналған спорт ғимаратының дайындығы туралы актіде жазылған талаптардың тиісінше орындалуын қамтамасыз етуге;
- Турнир матчтарының «ҚХФ медициналық регламентінде» жазылған талаптарға сәйкес медициналық сүйемелденуін, атап айтқанда матчтар өтетін кезде спорт ғимаратында бас дәрігердің, «Жедел жәрдем» дәрігерлері бригадасының және кардиостимуляцияға арналған жабдығы (дефибриллятор) жұмыс жасайтын (жұмысқа жарамды) көлігінің болуын қамтамасыз етуге;
- Турнир матчтарының қауіпсіздігін «ҚХФ жарыстарын өткізу кезінде қауіпсіздікті қамтамасыз етудің техникалық регламентінде» баяндалған талаптарға сәйкес қамтамасыз етуге;
- Турнир басталар алдында қатысушы командалардың төрешілері мен жаттықтырушыларының қатысуымен жиналыс өткізуге;
- қажетті кеңсе техникасын: интернетке кіру нүктесі бар екі компьютер (ноутбук), матчтардың ресми хаттамаларын ҚХФ-ға жіберу үшін принтер және сканер ұсынуға;
- матч алдындағы жаттығулар өткізу үшін әр командаға қажетті шайба санын (20 (жиырма) данадан кем емес) ұсынуға;
- шайбалы хоккейден 2022-2023 жылдар маусымының Қазақстан Республикасы Чемпионатының маркетингі бойынша бекітілген Регламентінің 15-бабының 4-қосымшасының талаптарына сәйкес Турнир турының матчтарын өздерінің интернет-ресурстарында және/немесе өлеуметтік желілерінде фото және бейне контентті орналастырып жариялауды қамтамасыз етуге;
- ойындар аяқталғаннан кейін бір тәуліктен кешіктірмей 2022-2023 жылдардағы маусымның шайбалы хоккейден Қазақстан Республикасы Чемпионатының маркетингі бойынша бекітілген регламентінің 15-бабының 4-қосымшасының талаптарына сәйкес Турнирдің сапалы фото және бейне материалдарын ҚХФ-ға ұсынуға;
- Қазақстан Республикасының қолданыстағы заңнамасына сәйкес міндетті түрде командалар құра отырып, Мемлекеттік Гимннің шырқалуын және спорт ғимаратында Қазақстан Республикасының Мемлекеттік Туының болуын қамтамасыз етуге, Турнирдің I турының матчтары басталар алдында әр жас санатында Турнирдің салтанатты ашылу рәсімін өткізуді қамтамасыз етуге;
- Қазақстан Республикасының қолданыстағы заңнамасына сәйкес міндетті түрде командалар құра отырып, Мемлекеттік Гимннің шырқалуын және спорт ғимаратында Қазақстан

Республикасының Мемлекеттік Туының болуын қамтамасыз етуге, Турнирдің қорытынды турының қорытындысы бойынша әр жас санатында салтанатты жабылу және марапаттау рәсімін өткізуді қамтамасыз етуге міндетті.

8-ТАРАУ

ТӨРЕШІЛІК

1-бап. Турнир ИИХФ-ның хоккей ойнау қағидалары, барлық толықтырулары мен өзгерістері ескерілген қолданыстағы қағидалар бойынша өткізіледі.

2-бап. Турнир матчтарын ұйымдастыруды және төрешілікті турдың инспекторы, бас төрешісі және бас хатшысы, алаңдағы үш төреші (бас төреші және екі желілік төреші) және тоғыз (9) адамнан тұратын төрешілер бригадасы жүзеге асырады:

– төреші-хатшы	- 1 адам;
– уақыт төрешісі	- 1 адам;
– ақпарат беруші төреші	- 1 адам;
– айып алған ойыншылар төрешісі	- 2 адам;
– видео-гол төрешісі	- 1 адам;
– тіркеуші төреші	- 1 адам;
– оператор төреші	- 1 адам;
– дәрігер	- 1 адам.

3-бап. Турдың инспекторын, бас төрешісі мен алаңдағы төрешілер бригадасын ҚХФ тағайындайды. Алаңнан тыс төрешілер бригадасын тағайындауды өткізуді ұйым ҚХФ-мен келісе отырып жүзеге асырады.

4-бап. Төрешілікті ҚХФ аттестаттаған және бекіткен, ИИХФ-ның Хоккей ойнау қағидаларының барлық талаптарын сақтайтын, ҚХФ шешімдері мен осы Регламенттің талаптарын орындайтын төрешілер жүзеге асырады.

5-бап. Турдың Инспекторы мен Бас төрешісі:

- Турнир басталар алдында қатысушы командалардың төрешілері мен жаттықтырушыларының қатысуымен жиналыс өткізуге;
- Турнир басталар алдында ҚХФ және хоккей мектептерінің/клубтарының/бөлімшелерінің басшыларына ойындардың күнтізбесін электрондық түрде (бекітілген сызбаға сәйкес) ұсынуға;
- жаттықтырушылардың немесе команда өкілдерінің өтініші бойынша команда ойыншыларына өтінім деректерін тексеруге;
- ойын хаттамасын толтырудың дұрыстығы мен нақтылығын тексеруге;
- Турнир матчтарын өткізу орындарының дайындығын (жарықтандыру, радиофикация, мұз дайындау, медициналық қызмет көрсету және т. б.) бақылауды жүзеге асыруға;
- жарысқа қатысушыларға көліктік қызмет көрсетілуін бақылауды жүзеге асыруға;
- ҚХФ-ға Турнир туры аяқталғаннан кейін 5 (бес) күнтізбелік күн ішінде Турнир туры өткізу туралы толық есепті (қысқаша есеп, ойындар күнтізбесі, турнирлік кесте, ойындар хаттамалары, қаржылық есеп, бас төрешінің есебі, тур инспекторының есебі) ұсынуға міндетті.

6-бап. Хоккейшілер мен команда өкілдері тәртіптік бұзушылықтар жасағаннан кейін оларды жазалауды айқындау тәртібін осы Регламенттің N°1 қосымшасынан қараңыз.

9-ТАРАУ

НАРАЗЫЛЫҚ БІЛДІРУ ТӘРТІБІ

1-бап. Турнир матчына қатысқан командалардың бірінің басшылығы бір уақытта:

- Осы Регламент немесе ИИХФ-ның хоккей ойнау қағидаларының талаптары бұзылуына байланысты өткен матч нәтижесін жоюға;

- матчты қайта ойнауды тағайындауға немесе командалардың біріне техникалық жеңіліс есептеуге негіз болғанда ғана наразылық беруге құқылы.

2-бап. Команда басшылығы нәтижесіне наразылық білдіруге бел буған Турнир туры матчы аяқталғаннан кейін бір сағаттан кешіктірмей матчтың ресми хаттамасында бас бапкер наразылық білдірудегі басты негіздемені қысқаша көрсете отырып, матч нәтижесіне наразылық білдіруге ниетті екені жөнінде жазба жасауы тиіс. Матчтың ресми хаттамасында командалардың бірінің матч нәтижесіне наразылық білдіруге ниеті бар екенін матчтың бас төрешесі дереу ҚХФ-ға хабарлауы тиіс.

3-бап. Наразылықты команда басшылығы матч аяқталғаннан кейін бір жұмыс күнінен кешіктірмей жазбаша нысанда беруге тиіс.

4-бап. Наразылық қанағаттандырылмаған жағдайда, команданың бас бапкері немесе ресми тұлға наразылықтың қаралуы үшін 10 (он) АЕК мөлшерінде ақы төлеуге міндетті. Наразылық төлемі келесі матч басталғанға дейін жасалуы керек, егер төленбеген болса, команда матчқа жіберілмейді.

5-бап. Келесі себептер бойынша наразылықтар қабылданбайды:

- Турнир туры матчындағы төрешіліктің сапасына наразылықтар.

- наразылықтың уақытылы рәсімделмеуі.

10-ТАРАУ

ЕРЕЖЕБҰЗУШЫЛЫҚТАР ҮШІН ЖАУАПКЕРШІЛІК

1-бап. Қоғамдық тәртіпті өрескел бұзғаны және спорт ғимаратындағы тәртіпсіз мінез-құлқы үшін ҚХФ шешімімен бір ойынға шеттетілуі мүмкін және ойындарға одан әрі қатысуды ҚХФ қарайтын болады.

2-бап. Ата-аналар Турнир туры матчының өту барысына араласқан, жөнсіз мінез көрсеткен жағдайда, ресми матч хаттамасы мен бас төрешінің баянатында көрсетілгендей, ҚХФ ата-анасы аталмыш әрекетке барған команданы Турнир турынан алып тастауға құқылы.

3-бап. Жаттықтырушының, команданың ресми өкілінің төрешілермен, қарсылас командасымен матч кезінде мұз алаңында және мұз алаңынан тыс қақтығысқа қатысуы матчтың ресми хаттамасында және ҚХФ бас төрешісінің баянатында көрсетілуі тиіс, командаға техникалық жеңілісті 0:5 есебімен есептеуге құқылы. Бас бапкерге 20 (жиырма) АЕК мөлшерінде айыппұл салынады.

4-бап. Матч кезінде, матч аяқталғаннан кейін, сондай-ақ матчтан кейінгі қол алысу кезінде жаппай төбелес болған жағдайда, ҚХФ тарапынан 5(бес) матчқа қатысудан шеттетілетін қақтығыстың бастамашысы(лары) анықталады. Бас бапкерге 30 (отыз) АЕК мөлшерінде айыппұл салынады.

5-бап. Матчқа дәлелсіз себептермен келмеген командаға 0:5 есебімен жеңіліс, қарсыласқа 5:0 есебімен жеңіс есептеледі (бұл гол соғылған және жіберіп алған шайбалардың айырмашылығын есептеу кезінде ескерілмейді). Аталған жағдайларды ҚХФ команданы Турнир турына қатысудан шеттетуге дейін шешім қабылдай отырып қарайды.

6-бап. Егер команда матч аяқталғанға дейін алаңнан кетсе, онда оған 0:5 есебімен техникалық жеңіліс есептеледі, хоккей мектебіне/клубқа 100 (жүз) АЕК мөлшерінде айыппұл салынады және Турнирдің осы турындағы барлық ұпайларды жою.

7-бап. Матчқа белгіленген тәртіппен рәсімделмеген немесе дисквалификацияланған ойыншының қатысқаны үшін командаға 0:5 есебімен жеңіліс есептеледі, бұл ұпай да салынған және жіберіп алған шайбалардың айырмашылығына кірмейді.

8-бап. Хоккейшілерді қуәландыру рәсімі матч соңында, матчқа қатысатын команданың бірінің жаттықтырушысының бастамасы бойынша өткізіледі. Рәсімге ойнайтын командалардың жаттықтырушылары (ресми өкілдері), бас төреші және матч хаттамасының төрешісі қатысады, онда жоғарыда көрсетілген хоккейшінің жеке сәйкестендіру нөміріне (ЖСН) және оның командасының өтініміне сәйкес жеке басын салыстырып тексеру жүргізіледі.

9-бап. Өтінім құжаттамасын қолдан жасау фактілері расталған жағдайда, анықталған хоккейші мен команданың бас жаттықтырушысы Турнирге қатысудан шеттетіледі, ал команданың нәтижелері жойылады және 0:5 есебімен техникалық жеңіліс есептеледі.

10-бап. Осы Регламенттің №1 қосымшасында сипатталған тәртіптік бұзушылықтар жасағаннан кейін ойыншылар мен команда өкілдерінің жазаларын анықтау тәртібі.

11-ТАРАУ

ЖЕҢІМПАЗДАРДЫ АНЫҚТАУ

1-бап. Турнирдің әрбір матчының нәтижелері бойынша жеңген командаға:

- матчтың негізгі уақытындағы жеңіс үшін – 3 ұпай;
- овертаймдағы немесе матчтан кейінгі соққылар сериясындағы жеңіс үшін – 2 ұпай беріледі.

Жеңілген командаға:

- овертайм немесе матчтан кейінгі соққылар сериясының нәтижелері бойынша жеңілсе – 1 ұпай;
- негізгі уақытта жеңілсе – 0 ұпай.

2-бап. Салынған және өткізілген шайбалардың айырмашылығы бір команданың пайдасына 10-нан асқан жағдайда әрбір келесі қақпа алу мен ойыншы статистикасы матч хаттамасына жазылмайды және таблода көрсетілмейді.

3-бап. Турнирді қорытындылағанда барлық турларға қатыспаған командалар турнир кестесіндегі орын бөлінісінен үмітті болады.

4-бап. Екі және одан да көп команданың ұпай саны тең түскен жағдайда:

- барлық турларда ең көп ұпай жинаған;
- осы командалар арасындағы барлық матчтарда ең көп жеңіске жеткен;
- осы командалар арасындағы барлық матчтарда ең көп ұпай жинаған;
- осы командалар арасындағы барлық матчтарда салынған және өткізілген шайбалардың ең жақсы айырмашылығына ие;
- барлық матчтарда салынған және өткізіп алған шайбалардың ең жақсы айырмашылығына ие;
- барлық матчтарда ең көп жеңіске жеткен;
- ең көп шайба салған команда басымдыққа ие болады.

12-ТАРАУ

ТУРНИРДІ ҚОРЫТЫНДЫЛАУ ЖӘНЕ ЖЕҢІМПАЗДАРДЫ МАРАПАТТАУ

1-бап. Турнирдің төрт турының қорытындысы бойынша жинаған ұпай саны бойынша жеңімпаздар мен жүлдегерлер анықталады.

2-бап. Барлық турлардың қорытындысы бойынша әрбір жас санатында және топтарда:

- «А» тобында – «Федерация кубогі» республикалық турнирінің жеңімпазы мен жүлдегерлері;
- «В» тобында – «Федерация кубогі» республикалық турнирінің жеңімпазы мен жүлдегерлері.

3-бап. Барлық турлардың қорытындысы бойынша «А» тобында бірінші орын алған команда өзінің жас санаты бойынша «Федерация кубогі» республикалық турнирінің жеңімпазы болады, естелік кубокпен және дипломмен марапатталады, хоккейшілер мен жаттықтырушылар ҚХФ-ның 25 (жиырма бес) дана медалімен марапатталады.

4-бап. Турнирдің барлық турларының қорытындысы бойынша «А», «В» топтары, ампула (қақпашы, бомбардир, сұрмерген, қорғаушы) бойынша үздік ойыншылар арнайы дипломдармен және ҚХФ сыйлықтарымен марапатталады.

5-бап. Турнирдің барлық турларының қорытындысы бойынша «А» тобында екінші және үшінші орын алған командалар естелік кубоктармен және дипломдармен марапатталады, хоккейшілер мен жаттықтырушылар ҚХФ 25 (жиырма бес) дана медалімен марапатталады.

6-бап. Барлық турлардың қорытындысы бойынша «В» тобында бірінші, екінші, үшінші орын алған командалар өз жас санатында Турнир тобының жеңімпазы және жүлдегері болады, дипломдармен марапатталады, хоккейшілер мен жаттықтырушылар ҚХФ-ның 25 (жиырма бес) дана медалімен марапатталады.

7-бап. Барлық турлардың қорытындысы бойынша өз жас санаттарында «А» тобында бірінші және екінші орын алған Команда Қазақстан Республикасы Чемпионатының «Мықтылар» тобында өзінің жас санаттарында соңғының алдындағы және соңғы орынды алған командалар арасында өтпелі матчтар ойнайды.

Өткен өтпелі матчтардың қорытындысы бойынша бірінші және екінші орын алған командалар келесі маусымдағы «Мықтылар» тобында Қазақстан Республикасының чемпионатына қатысатын болады. Үшінші және төртінші орын алған командалар келесі маусымның «Федерация кубогі» республикалық турниріне қатысады.

8-бап. Барлық турлардың қорытындысы бойынша Турнирдің өз жас санатында «В» тобында бірінші және екінші орынды иеленген команда Турнирдің өз жас санатында «А» тобында соңғының алдындағы және соңғы орынды алған командалар арасында өтпелі матчтар ойнайды.

Ойналған өтпелі матчтардың қорытындысы бойынша бірінші және екінші орын алған командалар келесі маусымның «А» тобына қатысады. Үшінші және төртінші орын алған командалар келесі маусымның «В» тобына қатысады.

13-ТАРАУ

ҚАРЖЫЛЫҚ ШЫҒЫСТАР

1-бап. Командалардың іссапарымен байланысты барлық шығындарды (екі жаққа жол жүру, тәуліктік жол жүру, тамақтану, тұру, Турнир матчтары кезіндегі командаларға арналған ауызсу) іссапарға жіберуші ұйымдар көтереді.

2-бап. 90 (тоқсан) АЕК мөлшеріндегі өтінім (кіру) жарнасын Турнир турын өткізу басталғанға дейін күнтізбелік 30 күннен кешіктірмей, ҚХФ есепшотына аудару арқылы төлеу қажет.

3-бап. Турнир турын қабылдайтын хоккей мектебі/клубы/бөлімшесі өтінім (кіру) жарнасын төлеуден босатылады, алайда келесідей:

- спорт ғимаратын қамтамасыз ету (жалға алуды қоса алғанда), командалар үшін мұзайдын мен киім шешетін орындарды ұсыну;

- Турнир матчтарының «ҚХФ медициналық регламентінде» жазылған талаптарға сәйкес медициналық сүйемелденуін, атап айтқанда матчтар өтетін кезде спорт ғимаратында бас дәрігердің, «Жедел жәрдем» дәрігерлері бригадасының және кардиостимуляцияға арналған жабдығы (дефибриллятор) жұмыс жасайтын [жұмысқа жарамды] көлігінің болуын қамтамасыз ету қызметтерін төлеу;

- Турнир матчтарының қауіпсіздігін «ҚХФ жарыстарын өткізу кезінде қауіпсіздікті қамтамасыз етудің техникалық регламентінде» баяндалған талаптарға сәйкес қамтамасыз ету;

- төрешілерді ауызсумен [алаңдағы төрешілер мен борт сыртындағы төрешілер бригадасы үшін бір ойынға 5 литр] және шай жиынтығымен (шай, кофе, қант, снектер) қамтамасыз ету;

- Турнирдің ашылу, жабылу және жеңімпаздары мен жүлдегерлерін марапаттау салтанаттарын өткізу бойынша шығындарды көтереді.

4-бап. ҚХФ тарапынан тур командаларының кіру жарналары есебінен келесі шығыс түрлері төленеді:

- мұз алаңындағы және мұз алаңының бортынан тыс төрешілер бригадасының қызметтеріне ақы төлеу [барлық салықтар мен міндетті төлемдерді қоса алғанда];

- командалардың тұратын орнына дейін, тұратын жерінен жарыстар өтетін орынға дейін және кері қарай көлікпен жүрін қамтамасыз ету.

13-тараудың 4-бабында көрсетілген шығыстар турға арналған өтінім (кіру) жарналарының жалпы сомасынан аспауы тиіс. Жоғарыда көрсетілген шығыстар асып кеткен жағдайда, Турнир турын қабылдайтын хоккей мектебі/клубы/бөлімшесі өз есебінен өтеуге міндетті.

5-бап. «А» тобының барлық жас санаттары бойынша Турнир жеңімпаздары мен жүлдегерлерінің кубоктарын, дипломдары мен медальдарын сатып алу бойынша шығыстар ҚХФ есебінен жүзеге асырылады.

6-бап. «В» тобының барлық жас санаттары бойынша жеңімпаздар мен жүлдегерлердің дипломдары мен медальдарын сатып алу бойынша шығыстар ҚХФ есебінен жүзеге асырылады.

7-бап. «А» және «В» топтары Турнирінің барлық турларының қорытындылары бойынша, ампула (қақпашы, бомбардир, сұрмерген, қорғаушы) бойынша үздік ойыншылардың дипломдары мен жүлделерін сатып алу бойынша шығыстар ҚХФ есебінен жүзеге асырылады.

№1 ҚОСЫМША
2022-2023 жылғы маусымдағы
хоккейшілер мән команда өкілдерінің
тәртіп бұзушылықтары үшін жаза белгілеу
ТӘРТІБІ

ИИХФ-ның хоккей ойнау қағидаларына сәйкес, осы Тәртіппен ҚХФ тарапынан хоккейшілерге және хоккей мектебі/клубы өкілдеріне қосымша жаза қолдануға негіз ретінде қарастырылатын Турнир матчтарындағы инциденттердің келесідей тізімі белгіленеді:

Р/б №	Айыппұл түрі	Міндетті дисквалификация (матчтар саны)	
1. Матч соңына дейінгі тәртіптік айыппұл келесідей хоккейшіге салынады:			
1.1	Матч соңына дейін тәртіптік айыппұл салынған	1	
1.2	Бір матчтың ішінде екінші тәртіптік айыппұл салынған	1	
1.3	Тәртіптік айыппұл алғаннан кейін бас төрешенің шешімін даулаған	1	
1.4	Нәсілдік алалаушылыққа қатысты сөз сөйлейтін	5	
1.5	Мұзайдыңға бөтен заттар лақтыратын	1	
1.6	Таяқты немесе басқа затты хоккей алаңынан тыс лақтыратын	2	
1.7	Бұған дейін тәртіптік айыппұл алуына себеп болған қылығын көз келген қалыпта жалғастыратын	2	
1.8	Бас төрешінің өз міндеттерін орындау туралы ескертуінен кейін төбелесті немесе жанжалды жалғастырады немесе жалғастыруға тырысады	3	
1.9	Ойын алаңынан тыс төбелеске қатысады	6	
1.10	Басталып кеткен жанжалға бірінші болып кіреді	2	
1.11	Жанжал кезінде қосалқы ойыншылар немесе айып алғандар отырғышынан бірінші болып кетеді	2	
1.12	Жанжал кезінде қосалқы ойыншылар немесе айып алғандар отырғышынан кетіп, шағын, үлкен және тәртіптік айыппұл алады	2	
1.13	Хоккей алаңында және одан тыс балағат сөздер айтады	2	
2. Матч соңына дейінгі тәртіптік айыппұл келесідей команда өкіліне салынады:			
2.1	Тәртіпсіздігі үшін айып алған	Міндетті ақшалай өтемақы	20 АЕК
2.2	Мұзайдыңға бөтен заттар лақтыратын	Міндетті ақшалай өтемақы	20 АЕК

2.3	Мұзайдыңға көз келген кезең барысында бас төрешінің рұқсатынсыз шығатын	Міндетті ақшалай өтемақы	30 АЕК
2.4	Нәсілдік алалаушылыққа қатысты сөз сөйлейтін	Міндетті ақшалай өтемақы	30 АЕК
3. Айып матчы көлесідей хоккейшіге немесе команда өкіліне салынады:			
3.1	Кез келген жанжал барысында басқа хоккейшіге таяқ сермеген		1
3.2	Мұзда немесе одан тыс, немесе алаңның бір жерінде матчқа дейін, барысында немесе кейін тұрып, төрешілерге немесе басқа адамдарға қатысты намысқа тиетін қылықтар жасаған		3
3.3	Қарсыласта баспен қасақана ұрады немесе ұруға тырысады		2
3.4	Төбелесті бастайды немесе басталған жанжалды жалғастырады		2
3.5	Ойын алаңынан тыс төбелеске қатысады		6
3.6	Бас төреші әрекетін тоқтату жөнінде ескерту жасағаннан кейін төбелесті немесе жанжалды жалғастырады немесе жалғастыруға күш салады		2
3.7	Қарсыласты аяқпен ұрады немесе ұруға тырысады		2
3.8	Қарсыластың жарақатына немесе қарсыластың жарақат алуына әкелуі мүмкін ағидалармен рұқсат етілмеген әрекеттерді орындайды		5
3.9	<ul style="list-style-type: none"> • арқадан шабуылдау; • жаралайтын соққы немесе таяқтың ұшымен ұру; • бас немесе мойын тұсына шабуылдау нәтижесінде жарақаттайды нәтижесінде қағидалармен рұқсат етілмеген әрекеттер жасайды		3
3.10	Қарсыласты: <ul style="list-style-type: none"> • арқадан шабуылдау; • жаралайтын соққы немесе таяқтың ұшымен ұру; • бас немесе мойын тұсына шабуылдау нәтижесінде жарақаттайды 		5
3.11	Айрықша дәрекілік		6
3.12	Қарсыласқа, басқа команданың ресми өкіліне немесе матчқца қызмет ететін төрешілерге түкіреді (хоккейші)		4
3.13	Матчқа қызмет ететін төрешілерге қасақана қолмен немесе таяқпен		3

	тиіседі, қолмен жұлқылайды немесе қолмен, таяқпен немесе денесімен итереді немесе желілік төрешіге өз міндеттерін орындауға кедергі келтіреді	
3.14	Керерменге физикалық әсер етеді (хоккейші)	3
3.15	Өз әрекетімен матчтың өтуіне кедергі келтіреді немесе зиянын тигізеді, матчқа қызмет ететін кез келген ресми тұлғаны қорлайды	4
3.16	Төрешіні қолмен жұлқылайды немесе ұрады, төрешіге түкіреді, матчтың өтуіне кедергі келтіретіндей әрекет етеді немесе зиянын тигізеді (команданың ресми өкілі)	6
3.17	Қасақана ұстап алады немесе қолмен, таяқпен немесе денемен итереді, аяқтан шалады, күштік амал қолданады, таяқпен итереді, таяқпен ұрады, арқадан шабуылдайды немесе матчқа қызмет ететін төрешілерге (хоккейші) қатысты ұқсас әрекеттерді жасайды	6
3.18	Команданың ресми өкілін немесе матчқа қызмет ететін кез-келген төрешіні (хоккейші) жарақаттауы немесе жарақаттауы мүмкін «айрықша дәрекілік» үшін жазаланады	8
3.19	Кез келген төрешіге шайба немесе кез келген басқа затты қасақана лақтырады	2
3.20	Төбелесті бастайды немесе жаппай төбелеске әкеп соққан, басталған жанжалды жалғастырады	7 дейін
3.21	Ойын алаңынан шығып кетеді	2-еуден 4-еуге дейін

№2 ҚОСЫМША

Турнирдің алдыңғы турының ойын қорытындысы бойынша өрбір турдың алдында матчтар күнтізбесін жасау үшін командаларды бөлу

6 команда

1 1-5 2-6 4-3	2 1-4 2-5 6-3	3 6-1 5-4 3-2
4 5-6 2-4 3-1	5 4-6 3-5 1-2	

8 команда

1 1-8 2-7 3-6 4-5	2 4-8 5-3 6-2 7-1	3 3-8 4-2 5-1 6-7	4 8-7 1-6 2-5 3-4
5 8-6 7-5 1-4 2-3	6 2-8 3-1 4-7 5-6	7 8-5 6-4 7-3 1-2	

10 команда

1 6-5 7-4 8-3 9-2 10-1	2 10-5 1-9 2-8 3-7 4-6	3 9-10 8-1 7-2 6-3 5-4	4 10-4 9-8 1-7 2-6 3-5	5 8-10 7-9 6-1 5-2 4-3
6 10-3 8-7 9-6 1-5 2-4	7 7-10 6-8 5-9 4-1 3-2	8 10-2 7-6 8-5 9-4 1-3	9 6-10 5-7 4-8 3-9 2-1	

№3 ҚОСЫМША
СПОРТ ҒИМАРАТЫНЫҢ ТУРНИР ТУРЫН ӨТКІЗУГЕ
ДАЙЫНДЫҚ АКТІСІ

ЖАРЫСТАРДЫ ҚАБЫЛДАУШЫ ҰЙЫМ:	КҮНІ:
СПОРТ ҒИМАРАТЫ:	

Осы Актімен Турнир регламентінің талаптарына сәйкес көрсетілген хоккей жарысын өткізуге спорт ғимаратының дайындығын растаймыз.

Қолда бар материалдық-техникалық база, жабдық, инвентарь хоккей матчтарын өткізу үшін қажетті жағдайларды қамтамасыз етеді.

Жоғарыда көрсетілген матчтарды өткізу мынадай қызметтермен келісілді: жол полициясы, медициналық қызмет, Өрт күзеті, құқық қорғау органдары.

Матчтарға қатысушылардың қауіпсіздігін қамтамасыз ету және қоғамдық тәртіпті сақтау үшін құқық қорғау органдары мен қауіпсіздік қызметінің қажетті күштері тартылды.

Спорт ғимаратының дирекциясы қызметкерлермен және матчтарды өткізуді қамтамасыз ететін тартылған ұйымдармен лауазымдық міндеттері және қауіпсіздік техникасын сақтау бойынша алдын ала нұсқама өткізді.

Спорт ғимаратының өкімшілігі мен жауапты тұлғалары аренаға кіреберістерді, фойені, ложелерді, аренаны, қоғамдық тамақтану орындарын, шатыр жайларын тексеруді жүзеге асырды. Қарап-тексеру барысында анықталғаны:

- Спорт ғимараттары сыртқы және ішкі өртке қарсы сумен қамтамасыз етілген.
- Өрт сөндіру құралдары жарамды және Қазақстан Республикасының қолданыстағы заңнамасының нормаларына сәйкес келеді.
- Полиция қызметкерлері бригадасының спорт ғимараты аумағында кезекшілігі ұйымдастырылған.
- Эвакуациялау жолының жиектері тиісті жағдайда, матчтарды өткізу кезінде қауіпсіздік қызметі бақылайды және эвакуациялау жоспарына сәйкес төтенше жағдай туындаған кезде адамдарды қауіпсіз, жылдам эвакуациялауды қамтамасыз етеді.
- Стадионның пайдаланылмаған жайлары матчтарды өткізу кезінде жабық болады және күзетіледі.
- Нысанды ішкі және сыртқы қорғау қамтамасыз етілген. Қауіпсіздік қызметінің, құқық қорғау органдарының қызметкерлері спорт ғимаратын, бас кіреберісті, аренаны, фойені, ложелерді, қоғамдық тамақтану орындарын, шатыр жайларын, спорт ғимараты аумағын, сондай-ақ тұраққа қойылған автомашиналарды тексеру барысында қолдан жасалған жарылғышқа ұқсас заттарды, өрт қаупі бар және улы заттар таппады.
- Білікті дәрігерлер бригадасының және белгіленген стандарттар бойынша жабдықталған «Жедел жәрдем» автокөліктерінің кезекшілігі ұйымдастырылды.
- Қажетті қызмет көрсету персоналының болуы, іс-шараға қатысушылардың және төрешілер бригадасының дайындығы, көрермендер мен қатысушыларды қабылдауға дайындығы, қызметкерлер мен қоғамдық тамақтану орындарының көрермендерге қызмет көрсетуге дайындығы қамтамасыз етілген.
- Сумен жабдықтау, кәріз және желдету дайындығы, спорттық жабдықтар мен инвентарьдың жарыс ережелеріне сәйкестігі, энергетикалық жүйелер мен жарықтандыру дайындығы, байланыс, құлақтандыру, табло, радиохабар тарату құралдарының, төтенше жағдайлар кезіндегі мәтіндердің және микрофонда жұмыс істеуге рұқсат етілген адамдардың дайындығы қамтамасыз етілген.

ҚЫЗМЕТ	Т.А.Ө.	ҚОЛЫ
Спорт ғимаратының қауіпсіздік қызметі		
«Жедел медициналық жәрдем» дәрігерлер бригадасы		
Мемлекеттік өртке қарсы қызмет		

ХОККЕЙ КЛУБЫНЫҢ
 (МЕКТЕБІНІҢ) БАСШЫСЫ:
 М.О. _____ (Т.А.Ө.)

СПОРТ ҒИМАРАТЫНЫҢ
 БАСШЫСЫ:
 М.О. _____ (Т.А.Ө.)